



POLITIKA DRUŠTVENE ODGOVORNOSTI

Kao kompanija koja djeluje i razvija svoje poslovanje na bosanskohercegovačkom tržištu, a sa ciljem proširenja na inozemna tržišta, "Maksuz" O.S.P.D. je svjestan važnosti odgovornog i etičkog poslovanja za učinkovito funkcionisanje tržišta i integraciju bosanskohercegovačke privrede u međunarodne tokove.

Naš cilj je, kroz naše poslovanje, kontinuirano raditi na poboljšanju kvaliteta života društva u kome djelujemo te pružiti podršku projektima u kojima pronalazimo naše istinske vrijednosti.

Svojim aktivnostima nastojimo doprinjeti razvoju opće društvene zajednice kroz ključna područja:

- promovisanje zdravog načina života: proizvodnja nutritivno uravnoteženih i prihvatljivih proizvoda,
- profesionalno usavršavanje zaposlenika: kontinuirane edukacije zaposlenika i podrška njihovom razvoju i kreativnosti,
- briga za uposlenike, njihove potrebe i sigurnost,
- briga za ranjive kategorije društva kroz razne vidove podrške,
- briga za okoliš.

"Maksuz" je usmjeren na zdravu, uravnoteženu i održivu prehranu kroz razvoj novih, nutritivno prihvatljivih proizvoda. Imajući u vidu važnost izbalansirane prehrane, te sve većeg broja oboljenja u posljednjih godina, "Maksuz" je i u dosadašnjoj proizvodnji i razvoju bio usmjeren na proizvode bez šećera, sa smanjenim sadržajem soli, bez dodatka boja, pojačivača okusa i drugih konzervansa, uz izbor najkvalitetnijih sirovina provjerenog porijekla.

"Maksuz" u svom poslovanju poštuje i podržava rodnu ravnopravnost u svakom aspektu poslovanja. Na velikom broju važnih i ključnih pozicija su, upravo, žene, koji imaju jednaku važnost i šansu za napredak u karijeri kao i muškarci.

Nastojeći upotrebu plastične ambalaže svesti na minimum i potražiti alternative zamjene koje su ekološki prihvatljive, smanjiti otpad u svojoj proizvodnji "Maksuz" iskazuje brigu za okoliš i društvo u kome djeluje.

Sigurnost, sreća i zadovoljstvo svih zainteresovanih strana i pozitivno okruženje u kome ćemo djelovati i napraviti sjajne rezultate su naš cilj od samog početka na čijem ostvarenju ćemo nastaviti vrijedno raditi. Svojim primjerom i kontinuiranim unaprijeđenjem želimo postati jedna od vodećih društveno odgovornih kompanija u Bosni i Hercegovini.